

ACTUS PASSIONALIS,

^{DE}

TRISTITIA ANIMÆ CHRISTI,

IN GYMNASIO THORUNIENSI

Feria VI. Hebdomadis Magnæ
post Sacra pomeridiana
exhibendus,

Cui ut benevoli intersint,

ea quæ par est reverentia & humanitate

MECÆNATES, PATRONOS, SINGU-
LOSQVE BONÆ MENTIS FAVITORES,
PIOSQVE PASSIONIS DOMINICÆ
ÆSTIMATORES

invitant

PROFESSORES ET VISITATORES.

THORUNI,

Excudebat Johannes Conradus Rügerus, Nobiliss. Senatus & Gymnasi
Typographus, Anno 1706.

I. N. J.
LECTURIS

Cum debita cultus & honoris præfatione

S. & O.



HRISTUM vitæ nostræ spiritualis & æternæ Statorem tempore Passionis suæ cruentissimæ æternos infernalesq; dolores in anima sua sanctissima sensisse Christianorum & Orthodoxorum Schola devotè credit, licet partim multi intra, partim extra Ecclesiam, salutiferum hoc dogma in dubium vocare, & πνέοντες λαζαρού pernegare non erubescant. De hoc argumento pro ratione temporis & loci ut differamus, prius Controversiæ Status rectè formandus est, ne Andabatarum more videamur pugnare. Prænotanda ergo veniunt seqventia. 1.) Christum non tulisse cruciatus infernales in πνευματικούς Damnatōrum; Infernus qvippe duplex est, pœnalis & localis: de illo, non de hoc nobis sermo est. 2.) Christum pro omnibus mortem infernalem verè degustasse. *Ebr. II. 9.* 3.) Christum non tolerasse omnes ac singulas inferni pœnas, qvales sunt desperatio, de gratia DEI Patris dubitatio, blasphemia, vermis conscientiæ, & id genus aliæ, qvæ oriuntur ē defectu damnatorum, super qvos ira DEI manet in æternum. *Joh. III. 39.* 4.) Christum non post, sed ante mortem, tam in horto Oliveti, qvām in ara Crucis ignominiosissima horrores inferni expertum esse, atq; iram DEI peccatis hominum debitam, in innocentissima anima sua sensisse, qui divinæ iræ sensus, est mortis secundæ gustus. 5.) Christum subiisse mortem æternam, sed non æternū, angoresqv; infernales passum esse, ita tamen, ut non omnes articulos, sed apices eorum, nec omni duratione, sed æqvivalenti temporis intervallo sentiret. 6.) Christum hos intensissimos mœstitiæ immanissimæ angores secundūm utramqv; animæ facultatem, Inrellectum utpote atq; voluntatem, pertulisse; Cūm enim secundūm utramqv; animæ δύναμιν homines peccatis sint commaculati, iramqv; DEI justissimi promereantur, adeoqv; gravissimis conscientiæ morsibus infestentur, æqvum omnino erat, ut secundūm utramqv; animæ δύναμιν infinitus tristaretur Christus, ne in tristitia & angore seculis nullis terminando constitueremur. His præmissis & cum vera fidei analogia consonis hypothesis facilis negotio orthodoxa Thesis defenditur, qvod sanctissima Christi anima in profundissima Exinanitione sua cruciatus infernales pro nobis verè sustinuerit. Et sane: Nonne in Christo sensus ac gustus internorum, spiritualium atq; infernalium dolorum erat, in quo πειλαυπία, ἐνθάμενος & αδημονία in excellentissimo gradu apparebat? Ἐνθάμενος. *Matth. XXVI. 6.* Αδημονία. *Marc. XIV. 33.* Αυπειλή. *Luc. XXII. 44.* denotant vehementiam cruciatuum, ut humana lingua eos nunquam eloqui, nedum cogitatio comprehendere queat. Inde tristitiam suam arctissimam intimamq; significaturus in horto inquit: Πειλαυπία εἰσίν οἱ φυλή με τὰς Γαρύλας. *Matth. XXVI. 38.* Deinde negari non potest, nos supplicia infernalia propter admissa scelera luere debuisse, nisi illa Christus

pro

pro nobis sustinuisse verè. Et hoc sensu factus est nostri vice ~~Kāmęg~~, sive maledictum. Gal. III. 13. ut nos à maledictione Legis divinæ & inferni liberos assereret, qvod fieri non potuit alia via, nisi per Passionem suam doloribus infernalibus plenam. Porro, si Christus verè suscepit in se omnia peccata nostra, Esa. LIII. 4. Unde etiam à Johanne Baptista Agnus DEI vocatur, qvi tollit peccata mundi, Joh. I. 29. pœnas infernales simul sustinuisse ipsum oportuit, nam hæ cum peccatis nondum expiatas, individuo nexu conjunctæ sunt. Nemo autem negare potest, qvod Christus omnia peccata nostra suscepit in se, ideo nec sustinebit negare, qvod etiam pœnas peccatis debitas toleraverit. Quo respectu opera Diaboli destruxisse dicitur, I. Joh. III. 8. inter qvæ etiam mors locum obtinet: non autem temporariam abolevit, hac enim omnes homines perire necessum erat, restat, ut liberati simus à morte æterna, qvam gustavit mortis æternæ destructor. Proinde cùm nos miseri peccatores æterna supplicia propter admissa scelera luere debuimus, illa Christum pro nobis verè sustinuisse piè credendum est; Alias si iram DEI & dolores infernales non sensit, neqve peccata nostra tulit: Ira qvippe DEI & infernales pœnæ sunt necessarium consiqvens peccatorum; Sin peccata nostra non pertulit, qvomodo poterimus esse liberi à morte spirituali & æterna? Cùm autem Servator noster plenissimè sufficientissimè atqve efficacissimè pro nobis satisfecit, omnes etiam pœnas nostras & cruciatus sustinuit. Multa in Codice sacro reperimus exempla eorum, qvi adversus atrocitatem peccatorum atrocissima senserunt supplicia, ut in Cataclysmo, in πανολεθείᾳ Sodomæ & Gommorrhæ, in interitu Core, Datan & Abiram, ac in desolatione Hierosolymorum, sed hæc vix comparari possunt eis, qibus DEUS Pater Filium suum tempore Passionis innocentissimæ affecit. Sancti etiam Viri iram DEI contra peccata gravissimam senserunt, nullus tamen in orbe unquam inventus est, qvi tanti ponderis tulit, qvanti Christus. Illi tantum iræ divinæ guttulam primis labiis degustarunt, Christus autem totum ac immensum corpore & anima pœnarum infinitarum exhausit Oceanum. Et hæc est σωτηριώς οὐασ-
νότων τῶν λόγων, non nova & inaudita impietas, ut R. Bellarm. L. IV. de Christi anima cap. 8. loquitur, de qva Esaias ante DCC. annos (ad Passionem Christi calculum ducendo) vaticinatus est Cap. LIII. 8. *Propter prævaricationem populi mei plaga Ei.* Ideò præcedenti v. 3. ab eodem Vate vocatur ψαλμὸς τοῦ Ιερεῦ Vir dolorum. Hinc verba Jeremiæ, qvæ Thren. I. 12. leguntur, ex asse tum potuit facere sua: *Vos omnes transeuntes viam, aspicite & videte, an sit dolor meus, qvi factus est mihi, qvoniā mæstitia afficit Dominus in die iræ nasi sui,* ex Versione B. A. Montani. Profecto locus, in quo Christi anima circumquaqvè tristis erat, non hortus, sed infernus fere dicendus est. In horto amœnitatem & delectationem animorum qværimus, Sap. II. 7. 8. Sed hic nihil aliud Christum manebat, qvam summa omnium virium imbecillitas, totius animæ dissolutio, ingens tristitia, angor, tremor, terror & horror. De hac tristitia, qvam Christus in anima sua tempore Exinanitionis suæ tristissimæ pertulit, pluribus dicturi sunt novelli nostri Oratores,

qui

qui Dispositionibus præviis proprio Marte de eodem argumento concinna-
runt προγυμνάσματα Oratoria, eaqvè seqventi ordine recitabunt:

PETRUS DZIK OVIUS, Thorunensis, expendit ra-
tiones, qvare Christus Passionis suæ initium in horto
fecerit.

JOH. JAC. DÜSTEL, Stargardiensis Borussus, Græco
sermone explanat Tristitiam Christi, qvam in anima
sensit.

JOH. GEORG. ZOEBNER, Thorun. idem argumen-
tum fusiore styli elegantia texit.

SALOMON ERNEST. LÜTKEN, Thor. remotas
Tristitiae hujus causas enucleat.

AD. PHILIP. BURSCHIUS, Friedlandiâ - Pomerellus,
easdem causas Lingva Pelasga continuat.

EPHRAIM OLOFF, Thor. Latinam earundem inter-
pretationem subjicit.

GEORG. HENR. CZIMMERMANN, Thorun.
propinquas mœstitiax Christi causas enodat, Auditori-
busqvè OO. OO. sacras faustasqvè Ferias Paschales
precatur.

Ut igitur conatibus his faveant, Oratoresqvè nostros præsentia sua animent,
Magnifici Civitatis hujus Proceres, Dn. BURGGRABIUS REGIUS,
DNI PRO - CONSULES, SCHOLARCHÆ & CONSULES,
Experientiss. MEDICI, Adm. Rever. Verbi Divini MINISTRI, Spectabiles
SCABINI, aliiqvè Musarum Cultores & Fautores submissè, obsevante
atqve officiosè rogantur. PP. Dom. Palmarum, Anno M. DCC. VI.

